

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINA ILIJAŠ  
OPĆINSKI NAČELNIK**



**BOSNIA AND HERZEGOVINA  
FEDERATION OF BOSNIA AND HERZEGOVINA  
CANTON SARAJEVO  
Municipality of Ilijaš  
MAYOR OF MUNICIPALITY**

*Služba za privredu i finansije*

---

**INFORMACIJA  
IZ OBLASTI ŠUMARSTVA**

**Ilijaš, Maj 2018. godine**

## UVOD

Informacija o stanju u oblasti šumarstva na području općine Ilijaš je urađena na bazi podataka Ministarstva privrede Kantona Sarajevo – Uprave za šumarstvo i KJP "Sarajevo-šume" doo Sarajevo.

Zakonom o šumama Kantona Sarajevo ("Službene novine Kantona Sarajevo br: 5/13) je uređeno planiranje i privređivanje u šumarstvu, šume i šumsko zemljište sa posebnim režimom gospodarenja, zaštita šuma i njihova funkcija, upravljanje šumama, katastar šuma i ekonomske funkcije šuma. Korisnici šuma prema navedenom zakonu su Kantonalno javno preduzeće za gospodarenje državnim šumama "Sarajevo-šume", Kantonalna javna ustanova za zaštićena prirodna područja Kantona Sarajevo i pravna i fizička lica koja su upisana kao vlasnici šuma.

Funkciju upravljanja šumama, provođenje administrativno-upravnih poslova, kreiranje i provođenje jedinstvene šumarske politike u sastavu Ministarstva privrede Kantona Sarajevo obavlja Uprava za šumarstvo Kantona Sarajevo.

Državnim šumama i šumskim zemljištem na području Kantona Sarajevo upravlja Ministarstvo privrede Kantona Sarajevo. Ministarstvo privrede ugovorom prenosi poslove gospodarenja državnim šumama na KJP "Sarajevo-šume" izuzev šuma koje su posebnim propisom povjerene na upravljanje KJU za zaštićena područja. Privatnim šumama upravljaju i gospodare njihovi vlasnici u skladu sa Zakonom o šumama Kantona Sarajevo, podzakonskim propisima i odredbama šumsko-privredne osnove.

Korisnik državnih šuma je dužan plaćati naknadu za korištenje šuma u visini od 6 % od ostvarenog prihoda od drveta računajući cijenu drveta na panju i prihoda ostvarenog od nedrvenih šumskih proizvoda, najviše 10 % od cijene na panju posječenih šumskih drvnih sortimenata. Naknada se uplaćuje u iznosima: 1,0 % na depozitni račun Kantona Sarajevo i 5,0 % na depozitni račun Budžeta općine na čijem području se ostvario prihod tromjesečno i po završnom godišnjem računovodstvenom izvještaju.

Između općine Ilijaš i KJP "Sarajevo-šume" doo Sarajevo na snazi je Sporazum o načinu izmirenja duga po osnovu naknade za korištenje državnih šuma za 2016. godinu u jednakim mjesečnim ratama i koji se realizuje shodno utvrđenoj dinamici.

### 1. Državne šume

Državnim šumama shodno zakonskim rješenjima gospodari Kantonalno privredno društvo KJP "Sarajevo-šume" doo Sarajevo.

Iz dostavljenih podataka Društva vidljivo je slijedeće:

- Eksploatisana količina drveta u m<sup>3</sup>
- Broj radne snage i plate uposlenika,
- Ulaganje u šumsku infrastrukturu
- Finansijske obaveze za eksploatisane količine
- Ulaganje u lokalnu infrastrukturu
- Kratka vizija poslovanja za naredni period
- Problematika rada KJP "Sarajevo-šuma" u segmentima u kojima bi OV i Općinski načelnik mogli pomoći u narednom periodu.

## **2. Šume u privatnom vlasništvu**


U skladu sa Zakonom o šumama u Kantonu Sarajevo (Sl. "Novine KS " br: 5/13) privatnim šumama upravljaju njihovi vlasnici, a Ministarstvo privrde Kantona Sarajevo putem Uprave za šumarstvo obavlja stručne poslove u pogledu gospodarenja šumama.

Obavljanje navedenih poslova na području općine Ilijaš je povjereno Odjeljenju Ilijaš, koje u skladu sa Zakonom vrši neposrednu zaštitu privatnih i državnih šuma i šumskog zemljišta od bespravnog prisvajanja i korištenja, šumskih požara i drugih elementarnih nepogoda, biljnih bolesti i štetočina kao i drugih protivzakonitih radnji.

U prilogu je dat Izvještaj o aktivnostima Uprave za šumarstvo Kantona Sarajevo na području općine Ilijaš i KJP "Sarajevo- šume" doo Sarajevo.



Broj:07-06-26-20602/18  
Sarajevo, 26.04.2018.godine



**OPĆINA ILIJAŠ**  
**OPĆINSKO VIJEĆE**  
Ul. 126. Ilijaške brigade br. 6  
71.380 Ilijaš

**PREDMET:** Dostava Informacije o aktivnostima Uprave za šumarstvo


U prilogu akta dostavljamo Vam Informaciju o aktivnostima Uprave za šumarstvo Kantona Sarajevo na području općine Ilijaš za 2017. godinu.


S poštovanjem,

**Dostavljeno :**

- Naslovu
- a/a

**ISTAR**  
*[Signature]*  
Dr. Muharem Šabić





Bosna i Hercegovina  
Federacija Bosne i Hercegovine  
**KANTON SARAJEVO**  
*Ministarstvo privrede*

**INFORMACIJA O AKTIVNOSTIMA UPRAVE ZA ŠUMARSTVO KANTONA  
SARAJEVO NA PODRUČJU OPĆINE ILIJAŠ ZA 2017. GODINU**

**Sarajevo, februar 2018. godine**

## **1. Šumarska legislativa**

Činjenica da na nivou Federacije Bosne i Hercegovine nije bilo Zakona o šumama u značajnom vremenskom periodu, imala je negativne posljedice u poslovima upravljanja i gospodarenja šumskim resursima na području Kantona Sarajevo.

Shodno navedenom, a u cilju provođenja poslova na adekvatnoj zaštiti i čuvanju te gospodarenju šumskim resursima, Ministarstvo privrede je pokrenulo postupak izrade Nacrta Zakona o šumama Kantona Sarajevo.

Vlada i Skupština Kantona Sarajevo su usvojili ponuđeni Nacrt, a po okončanju Javne rasprave i Prijedlog zakona. Usvojeni Zakon o šumama Kantona Sarajevo objavljen je u "Službenim novinama Kantona Sarajevo" broj: 5/13 od 07.02.2013. godine.

Kada je u pitanju aktuelno stanje iz oblasti šumarske legislative u Federaciji Bosne i Hercegovine trenutno je u parlamentarnoj proceduri u Predstavničkom domu i Domu naroda Prijedlog Zakona o šumama FBiH. .

## **2. Realizacija aktivnosti suzbijanja bespravnih sječa**

U toku 2017. godine, u cilju zaštite šumskih resursa Ministarstvo privrede - Uprava za šumarstvo je u skladu sa Zakonom o šumama Kantona Sarajevo i „Operativnim planom zaštite šuma od bespravnih aktivnosti na području Kantona Sarajevo“, uz koordinisano djelovanje sa drugim institucijama, radilo na suzbijanju svih bespravnih aktivnosti iz oblasti šumarstva. U cilju efektivnije zaštite šumskih resursa Kantona Sarajevo, aktivnosti su se provodile u kontinuitetu kroz koordinirano djelovanje MUP-a Kantona Sarajevo, Kantonalne uprave za inspeksijske poslove, Uprave za šumarstvo i KJP „Sarajevo-šume“. Sve aktivnosti su bile usmjerene na sprečavanje: bespravne sječe, bespravnog transporta drvene mase, rada nelegalnih reznih jedinica, izazivanja požara, bespravnog zauzeća državnog zemljišta i krčenja šume.

Ukupna evidentirana bespravna sječa za područje općine Ilijaš u periodu januar-decembar 2017. godine je 1.314,00 m<sup>3</sup> (910,00 m<sup>3</sup> državne i 404,00 m<sup>3</sup> privatne šume). Podneseno je 1 krivična prijava za državne šume sa 4,19 m<sup>3</sup>. Podneseno je 97 prekršajnih prijava (74 državne i 23 privatne šume) sa 284,00 m<sup>3</sup> (125,00 m<sup>3</sup> državne i 159,00 m<sup>3</sup> privatne šume). Predato KJP "Sarajevo-šumama" 198,00 m<sup>3</sup>. (Tabela br: 1)

Od ukupne evidentirane bespravne sječe za područje općine Ilijaš za period januar-decembar 2017. godine koja iznosi 1.314,00 m<sup>3</sup>, pokrivenost prijavama je 289,00 m<sup>3</sup> ili 22,00 %.

Najveći problem u provođenju mjera zaštiti šuma na području općine Ilijaš predstavljaju pojave bespravnih sječa, te transport šumskih drvnih sortimenata. Ovom problemu se najviše pridavao značaj, te je u saradnji sa predstavnicima MUP-a izvršeno izuzimanje 26,16 m<sup>3</sup> drvene mase bez potrebne dokumentacije koja je u fazi transporta kontrolisana. Bespravni transport posjećene drvene mase se obavljao putem raznih prevoznih sredstava počev od upotrebe osobnih automobila, traktora, kamiona, te vozila posebno opremljenih za ove aktivnosti. Neophodno je istaći da veliki procenat ovih vozila je tehnički neispravan i neregistrovan. Navedene bespravne aktivnosti (sječa i transport) dešavaju se u poslijepodnevnom i noćnim satima, te u dane vikenda i praznika. Nisu rijetki slučajevi fizičkih

napada na službena lica—čuvare šuma, kao i stalne verbalne prijetnje. Kao najugroženija područja na kojima se provode bespravne sječe na području odjeljenja Ilijaš su lokaliteti: Ozren, Visojevica, područje oko grada Ilijaša, te kanjon rijeke Misoča.

### ***3. Aktivnosti na suzbijanju bespravnog transporta***

Jedan od razloga intenzivnog napada na šumske ekosisteme je i ekonomsko-sociološka situacija u društvu koja se negativno reflektira u smislu većeg prisustva bespravnih aktivnosti vezanih za šumu i šumska zemljišta. U tom kontekstu povećan je i bespravni promet svih vrsta šumskih drvnih sortimenata.

U cilju suzbijanja ovog vida bespravnih aktivnosti definisane su sve komunikacije na prostoru Kantona Sarajevo koje su sa ovog aspekta najfrekventnije. Uspostavljene su stalne i povremene kontrolne tačke. Na njima su Operativnim planom predviđene kontrole prometa šumskih drvnih sortimenata od strane pripadnika Uprave za šumarstvo, MUP-a, kantonalne šumarske inspekcije i K.J.P. „Sarajevo šume“ .

Tokom realizacije ovih aktivnosti zajedničke kontrole prometa šumskih drvnih sortimenata vršili su uposlenici Uprave za šumarstvo i MUP-a.

Povremene kontrolne tačke se definišu na osnovu koncentracije bespravnih sječa, odnosno prometa šumskih drvnih sortimenata. U skladu sa zaključcima koordinacionog tijela lokacije kontrolnih tačaka definišu načelnici odjeljenja Uprave za šumarstvo i ovlaštena lica MUP-a.

### ***Mjerljivost***

Shodno odredbama Operativnog plana uposlenici Ministarstva privrede-Uprave za šumarstvo i pripadnici MUP-a u 2017. godini vršili su permanentne kontrole prometa šumskih drvnih sortimenata. Tom prilikom u odjeljenju Sjever Uprave za šumarstvo Kantona Sarajevo ukupno je zapljenjeno (izuzeto) 198,00 m<sup>3</sup> drvne mase koja je predana K.J.P. „Sarajevo šume“. ( Tabela br: 2 )

### ***4. Nelegalne rezne jedinice***

Problem nelegalnih reznih jedinica na području općine Ilijaš permanentno je bio prisutan od okončanja rata do 2017. godine. Prilikom preuzimanja poslova čuvanja i zaštite državnih šuma, u martu 2010. godine, koji su bili u nadležnosti KJP „Sarajevo šume“, Uprava za šumarstvo je evidentirala 81 nelegalnu reznu jedinicu na području Općine Ilijaš.

U 2016. i u 2017. godini se nastavilo sa aktivnostima borbe protiv ovog vida nelegalnih aktivnosti. Zajedničkom akcijom sa Federalnom šumarskom inspekcijom i uz asistenciju uposlenika PS Ilijaš na području općine Ilijaš zapečaćene su sve nelegalne rezne jedinice ili su uklonjene od strane vlasnika neposredno pred izlazak federalne inspekcije, što je u velikoj mjeri uticalo na smanjenje obima bespravnih sječa četinarskog drveta.

Sa navedenim koordiniranim aktivnostima će se nastaviti i u narednom periodu uz optimalno učešće svih zainteresiranih strana.

### ***5. Realizacija projekata koje je finansiralo Ministarstvo privrede-Uprava za šumarstvo***

U skladu sa „Operativnim planu za provođenje šumsko-uzgojnim radovima i radovima na zaštiti šuma na području Kanton Sarajevo za 2017. godinu“ na području općine Ilijaš je bila izvršena realizacija 25 projekata ukupne vrijednosti 1.533.960,43 KM. Realizovana su:

- Dva (2) projekata pošumljavanja na površini od 1,70 ha. Zasađeno je 4.250 komada sadnica. Vrijednost projekata je 8.295,01 KM.
- Četiri (4) projekta čišćenja kultura na površini od 10,44 ha u vrijednosti od 23.203,10 KM.
- Pet (5) projekata čišćenja, okopavanja i popunjavanja kultura na površini od 21,74 ha. Zasađeno je 31.720 komada sadnica. Vrijednost projekata je 64.623,19 KM.
- Jedan (1) projekat konverzije šuma na površini od 1,50 ha. Zasađeno je 6.250 komada sadnica. Vrijednost projekata je 14.342,74 KM,
- Jedan (1) projekat sanacije požarišta na površini od 2,74 ha. Zasađeno je 8.220 komada sadnica. Vrijednost projekata je 12.040,77 KM.
- Dva (2) projekta iz ekologije i ambijentalnog uređenja u vrijednosti od 31.855,62 KM.
- Jedan (1) projekat sanacije i rekonstrukcije šumskog puta Ivanjski potok u vrijednosti od 16.000,00 KM.

Za nezavršene projekte sanacije i rekonstrukcije puteva i projekat ograđivanja lokaliteta Karašnica, obzirom da nisu okončani u 2017. godini, sačinjeni su anexi ugovora u 2018. godini. ( Tabele br: 3 )

### ***6. Aktuelna problematika u funkcionisanju odjeljenja Ilijaš***

U procesu izvršavanja radnih zadataka i obaveza odjeljenja Ilijaš osim permanentne problematike trenutno su posebno aktuelna tri pitanja:

1. Gole sječe u privatnim šumama prije izdatog odobrenja od strane Ministarstva privrede, a koje su kupljene za izgradnju apartmanskih naselja.
2. Bespravne sječe u vodozaštitnoj zoni rijeke Misoča.
3. Neriješeni imovinsko-pravni odnosi u privatnim šumama dobrim djelom utiču na povećan obim bespravnih sječa.



## **7. Zaključak**

Obim bespravnih sječa na području općine Ilijaš je značajan kada je u pitanju nivo bespravnih sječa na teritoriji Kantona Sarajevo u posljednjih nekoliko godina. Jedan od ključnih razloga za ovakve okolnosti je i veoma teška ekonomsko-socijalna situacija u našem društvu. Unatoč ovim činjenicama svi segmenti društva moraju poduzeti aktivnije učešće u zaštiti šumskih ekosistema na području općine Ilijaš i Kantona Sarajevo. Samo koordinirana aktivnostima svih nadležnih institucija, shodno svojim ovlaštenjima, možemo postići značajne rezultate na smanjenju i ukidanje svih bespravnih radnji u oblasti šumarstva. Kao dobar primjer sinergije u radu i efikasne koordinacije potrebno je istaći uporan angažman svih nadležnih institucija na suzbijanju nelegalnih reznih jedinica na području općine Ilijaš. U skladu sa svojim nadležnostima i u duhu dobre međusobne saradnje svih segmenata društva mogu se postići odgovarajući rezultati na suzbijanju svih bespravnih aktivnosti u šumarstvu.

Bespravne sječe će, nažalost, i u narednom periodu predstavljati permanentan problem. U tom kontekstu potrebno je zajednički nastaviti realizaciju svih aktivnosti iz "Operativnog plana zaštite šuma od bespravnih aktivnosti na području Kantona Sarajevo".

**Prilozi:** Tabele broj: 1,2,3.

Evidentirane bespravne sječe na području općine Ilijaš u periodu 01.01-31.12.2017. godine

Tabela br. 1

	Evidentirane bespravne sječe		
	Četinari m <sup>3</sup>	Lišćari m <sup>3</sup>	Ukupno m <sup>3</sup>
Državne	464	446	910
Privatne	143	261	404
<b>Ukupno</b>	<b>607</b>	<b>707</b>	<b>1314</b>

Pregled prijava na području općine Ilijaš u periodu 01.01-31.12.2017. godine

Tabela br. 2

	Krivične		Prekršajne		Ukupno		Ukupno izuzeta drvena masa
	broj	m <sup>3</sup>	broj	m <sup>3</sup>	broj	m <sup>3</sup>	
Državne	1	4,19	74	125,00	75	129,19	187,00
Privatne			23	159,00	23	159,00	11,00
<b>Ukupno</b>	<b>1</b>	<b>4,19</b>	<b>97</b>	<b>284,00</b>	<b>98</b>	<b>288,19</b>	<b>198,00</b>

Pregled projekata po Operativnom planu za provođenje šumsko-uzgojnih radova i radova na zaštiti šuma na području Kantona Sarajevo za 2017. godinu na području općine Ilijaš

Tabela br.3

Vrsta radova	Broj projekata	Površina ha	Broj sadnica	Dužina km	Vrijednost KM
<b>Šumsko-uzgojni radovi</b>					
1. Pošumljavanje sa pripremom terena	2	1,70	4.250		8.295,01
2. Čišćenje, popunjavanje i okopavanje kultura	5	21,74	31.720		64.623,19
3. Čišćenje kultura	4	10,44			23.203,10
4. Konverzije šuma	1	1,50	6.250		14.342,74
5. Sanacija požarišta	1	2,74	8.220		12.040,77
<b>Ukupno</b>	<b>13</b>	<b>38,12</b>	<b>50.440</b>		<b>122.504,81</b>
Ekologija i ambijentalno uređenje	2				31.855,62
<b>Ukupno</b>	<b>2</b>				<b>31.855,62</b>
Ograđivanje lokaliteta Karašnica	1				31.000,00
<b>Ukupno</b>	<b>1</b>				<b>31.000,00</b>
Rekonstrukcija i sanacija puteva	9			22,02	1.348.600,00
<b>Ukupno</b>	<b>9</b>			<b>22,02</b>	<b>1.348.600,00</b>
<b>SVEUKUPNO</b>	<b>25</b>	<b>38,12</b>	<b>50.440</b>	<b>22,02</b>	<b>1.533.960,43</b>

**Napomena:** Obzirom da svi projekti rekonstrukcije, sanacije i asfaltiranja predviđenih puteva i projekat ograđivanja lokaliteta Karašnica nisu okončani u 2017. godini za njih su sačinjeni anexi ugovora u 2018. godini.




Općinski sud u Sarajevu,  
Broj : 065-0-REG-13-001306 od 30.04.2013.g.  
PDV broj: 200630090001  
Žiro račun: 1020500000111354 Union bank d.d. Sarajevo  
1610000036720040 Raiffeisen bank Sarajevo

Vrsta dok.	Izdavač	RB	Strana
			1 od 4

Broj: 0103-1080-2/18  
Dana: 08.05.2018.godine.

Bosna i Hercegovina  
Federacija Bosne i Hercegovine  
Kanton Sarajevo  
Općina Ilijaš  
Služba za privredu i finansije



**Predmet: Informacija – dostavlja se -**

Na osnovu dopisa broj: 04/1-24-sl/18, od 25.04.2018. godine, dostavljamo Vam tražene podatke, informaciju o stanju u oblasti šumarstva na području opštine Ilijaš.

**S poštovanjem!**



- Dostavljeno:
- ☒ Naslovu
  - ☐ Direktor
  - ☐ Služba plana i analize
  - ☐ Arhiva





Općinski sud u Sarajevu,  
Broj : 065-0-REg-13-001308 od 30.04.2013.g.  
PDV broj: 200630090001  
Žiro račun: 1020500000111354 Union bank d.d. Sarajevo  
1610000036720040 Raiffeisen bank Sarajevo

Vrsta dok.	Izdavač	RB	Strana
			2 od 4

## 1. Realizovana drvena masa

- U toku 2017.godine na nivou KJP "Sarajevo-šume" d.o.o. Sarajevo, planirana je proizvodnja i realizacija u količini od 145.013 m<sup>3</sup> neto mase drveta četinar a i lišćara, i to 79.728 m<sup>3</sup> četinar a i 65.285 m<sup>3</sup> lišćara.
- Ukupna realizacija na nivou KJP "Sarajevo-šume" d.o.o. Sarajevo je iznosila 137.614 m<sup>3</sup>, a ostvareni prihod od šumskih drvnih sortimenata po cijeni na panju (koji predstavlja osnov za obračun naknade za korištenje državnih šuma za opštine 5% i Kanton 1%) je iznosio 9.409.630 KM.
- Na području općine Ilijaš (ŠGP „Gornjebosansko“ i VŠP „Bistričko“ dio) ukupno je realizovano 62.586 m<sup>3</sup> neto drvene mase četinar a i lišćara. Ostvareni prihod od šumskih drvnih sortimenata po cijeni na panju je iznosio 5.297.878,70 KM, a predstavlja osnov za obračun naknade za korištenje državnih šuma, te za 2017. godinu za općinu Ilijaš iznosi 264.893,95 KM.

## 2. Broj radnika i plate uposlenika

- Prosječan broj zaposlenih u 2017. godini u preduzeću KJP "Sarajevo-šume" d.o.o. Sarajevo je 423 radnika;
- Sa područja općine Ilijaš u KJP "Sarajevo" d.o.o. Sarajevo je uposleno 146 radnik;
- U 2017. godini isplaćene su sve plate, odnosno dvanaest plata;
- Prosječna neto plata u 2017. godini je iznosila 949,00 KM;
- Redovno su uplaćeni doprinosi na plate.

## 3. Ulaganje u šumsku infrastrukturu i druga ulaganja

- Na području opštine Ilijaš u 2017. godini vršena je popravka i redovno zimsko održavanje šumskih kamionskih puteva, te je utrošeno 70.135,00 KM.
- U 2017. godini su završeni radovi i urađene konačne situacije za projekte koje je finansiralo Ministarstvo privrede Kantona Sarajevo, a odnosi se na asfaltiranje puteva, rekonstrukciju i sanaciju šumskog kamionskog puta i izgradnju rezervoara za vodu za protivpožarnu zaštitu šuma na lokalitetu Gajevi Ilijaš.

## 4. Zakonska izdvajanja za realizovanu drvenu masu

- Na osnovu člana 49. Zakona o šumama Kantona Sarajevo, obaveza koja se odnosi na naknadu o korištenju državnih šuma za općinu Ilijaš u 2017. godini iznosi 264.893,95 KM, a potpisan je sporazum za izmirenje duga za 2016. godinu, čije se odredbe redovno izvršavaju, te su sa 08.05.2018. godine preostale još 6 rata u iznosu od 109.315,14 KM.





Općinski sud u Sarajevu,  
Broj : 065-0-REg-13-001306 od 30.04.2013.g.  
PDV broj: 200630090001  
Žiro račun: 1020500000111354 Union bank d.d. Sarajevo  
1610000036720040 Raiffeisen bank Sarajevo

Vrsta dok.	Izdavač	RB	Strana
			3 od 4

**5. Uzgojni radovi i zaštita šuma**

- U 2017. godini na području opštine Ilijaš na radove uzgoja i zaštite šuma ukupno je utrošeno 568.222,78 KM, a radovi su izvršeni na površini 212,65 ha. Izvršeni radovi se odnose na pošumljavanje, njegu šuma, njegu kultura, ograđivanje kultura i ambijetalno uređenje.  
U ukupnim sredstvima utrošenim na uzgojne radove preduzeće je učestvovalo sa 59.730,50 KM, dok se na druge izvore finansiranje odnosi suma od 508.492,28 KM.

- KJP „Sarajevo-šume“ d.o.o. Sarajevo su u 2016. godini započele realizaciju projekata koje je sufinansiralo Ministarstvo privrede Kantona Sarajevo i opština Ilijaš, a završeni su u 2017. godini, i to za sljedeće putne pravce: Sudići-ŠGP „Gornjebosansko“; Vukasovići-Kusture-ŠGP „Gornjebosansko“; za Naniće i Dautoviće, ŠGP „Gornjebosansko“; za Borije, ŠGP „Gornjebosansko“; za Šabanke, ŠGP „Gornjebosansko“; za Lađeviče, ŠGP „Gornjebosansko“; Gajevi-Dragoradi, ŠGP „Gornjebosansko“.

**6. Vizija poslovanja za naredni period**

- U 2018. godini na nivou KJP „Sarajevo-šume“ d.o.o. Sarajevo planirana je sječa i realizacija od 145.661 m<sup>3</sup> neto mase drvnih sortimenata četinarara i liščara. Na četinare otpada 83.861 m<sup>3</sup>, a liščare 61.800 m<sup>3</sup> neto drvene mase.
- Po planu sječa i realizacije na općini Ilijaš, na ŠGP „Gornjebosansko“ i VŠP „Bistričko“, planirana sječa i realizacija u 2018. godini iznosi 62.127 m<sup>3</sup> neto drvene mase četinarara i liščara. Od ukupno planirane mase na četinare otpada 47.013 m<sup>3</sup>, a na liščare 15.114 m<sup>3</sup> neto drvene mase.
- Planirani prihod od šumskih drvnih sortimenata, po cijeni na međustovarištu, u 2018. godini na nivou preduzeća predviđen je u visini 13.510.125,00 KM;
- Planirana naknada za korištenje državnih šuma na području općine Ilijaš, a u skladu sa važećim Kantonalnim zakonom o šumama, iznosi za budžet općine 5% od ostvarenog prihoda od drveta u dubjećem stanju, što za općinu Ilijaš u 2018. godini iznosi 235.515 KM.
- U 2018. godini za šumsko-uzgojne radove na ŠGP „Gornjebosansko“, po osnovi je planirano 130,93 ha, odnosno 201.860,00 KM, a od ovog iznosa na pošumljavanje i popunjavanje kultura otpada 70,93 ha ili 141.860,00 KM, a na njegu šuma 60,0 ha ili 60.000,00 KM.
- U sklopu ostalih bioloških investicija planirana su sredstva za kontrolu brojnosti populacije potkornjaka u visini od 1.500,00 KM, zaštita šuma od požara u iznosu od 7.500 KM, nabavka sredstava i opreme za šumsko-uzgojne radove u iznosu od 140.400 KM.
- U 2018. godini planirana je izgradnja i rekonstrukcija šumskih kamionskih puteva u dužini od 4,0 km, a planirana vrijednost je 400.000 KM.
- Na području općine Ilijaš u 2018. godini iz sredstava OKFŠ-a planirani su šumsko-uzgojni radovi, te su projekti za izvođenje izrađeni i dostavljeni Kantonalnoj upravi na razmatranje i odobravanje, kao i projekti za izgradnju i rekonstrukciju puteva.





Općinski sud u Sarajevu,  
Broj : 065-0-REg-13-001306 od 30.04.2013.g.  
PDV broj: 200630090001  
Žiro račun: 1020500000111354 Union bank d.d. Sarajevo  
1610000036720040 Raiffeisen bank Sarajevo

Vrsta dok.	Izdavač	RB	Strana
			4 od 4

**7. Problematika rada KJP "Sarajevo-šume"d.o.o. Sarajevo u segmentima u kojima bi općinsko vijeće i općinski načelnik mogli pomoći u narednom periodu**

- Radi zaštite šumskih površina od požara treba povesti aktivnosti po MZ kako bi se uzroci pojave požara sveli na najmanju moguću mjeru;
  - Zajedničkim aktivnostima treba uključiti sve subjekte u suzbijanju nelegalne sječe šume;
  - Kroz zajedničke aktivnosti treba iznaći najbolje rješenje oko snabdijevanja lokalnog stanovništva ogrjevnim drvetom;
  - Prilikom izrade Godišnjih planova realizacije šumsko-privredne osnove, potrebno je da nam općine, na zahtjev Kantonalne uprave za šumarstvo, dostave saglasnost na isti, te obzirom da su navedeni planovi izrađeni u skladu sa šumsko-privrednom osnovom, potrebno je da se dostavljaju u zakonskom roku;
  - Na šumama i šumskom zemljištu često se formiraju divlje deponije smeća, te očekujemo saradnju lokalne zajednice, kako bi se ova negativna pojava dovela pod kontrolu;
  - Prilikom izgradnje lokalnih vodovoda (čije trase prolaze kroz šumsko zemljište) potrebno je konsultovati se sa preduzećem, kako bi se došlo do optimalnih rješenja i izbjegle eventualne nesuglasice;
- U međusobnim odnosima KJP "Sarajevo-šume" i SO-e Ilijaš, treba nastaviti saradnju, kako bi se eventualni problemi lakše i brže rješavali. Za sva pitanja, te moguću saradnju sa općinom Ilijaš imate u nama partnera koji je spreman na saradnju na obostrano zadovoljstvo, te na dobrobit građana općine Ilijaš.

